



# Plata dla Ploania Antermëia Sant'Antone Abat

UNITÉ PASTORALA



**VAL BADIA**  
www.unitepastorala.org

Ploan: siur Paul Campej  
E-mail: [campei.paul@rolmail.net](mailto:campei.paul@rolmail.net)

Calonia: 0474/520012  
Siur Paul: 380 7345533

Ann C

20.01.2019 - 27.01.2019 - 2. domënia ia por l'ann

n. 8

## La salvëza vëgn enviada ia

📖 Is 62, 1–5 | 1 Cor 12, 4–11 | Jan 2, 1–11

### Dal Vangele do San Jan:

Te chël tēmp <sup>1</sup>êl na noza a Cana tla Galilea, y la uma de Gejù ê dailò. <sup>2</sup>Ince Gejù y sù discepui ê invià a noza. <sup>3</sup>Canche le vin ê jü fora, ti à la uma de Gejù dit a d'ël: Ai n' à plü degun vin. <sup>4</sup>Gejù ti à respognü: Cî oste pa da mè, ëra? Mia ora n' é nia cíamò gnüda. <sup>5</sup>Süa uma ti à dit ai sorvidus: Cî che ël ves dij, chël fajede! <sup>6</sup>Al ê dailò sis bocà de pera dal'ega por la purificaziun, sciöch'al ê usanza pro i Iüdes; te vignun n'âl lerch apresciapüch 100 litri. <sup>7</sup>Gejù ti à dit ai sorvidüs. Implide i bocà d'ega! Y ai i â impli cina al ur. <sup>8</sup>Al ti à dit: Sëgn cíariéde fora y portédenen a chël che à da fistidié por le past. Ai ti an à portè. <sup>9</sup>Al à cíarcé l'ega che ê diventada vin, y ne savô nia da olâ che le vin gnô adalerch; mo i sorvidus, che â cíarié fora l'ega, le savô. Sön chëra àl cherdè adalerch le nüc <sup>10</sup>y ti à dit: Vignun porta naôta sò le bun vin y spo pormò, canche i ghesc n' à boiü assà, le manco bun. Tö indere as tignì sò le bun vin cina sëgn. <sup>11</sup>Insciö à Gejù fat so pröm sëgn a Cana tla Galilea y à manifestè süa gloria, y sù discepui cherdò te ël.



*Döta la tera dess te adorè,  
oh Dî, y ciantè tüa lauda,  
ciantè na lauda a to inom,  
oh Altiscim*

📖 Letöres dla 3. domënia ia por l'ann:

**Nee 8, 2–4a.5–6.8–10 | 1 Cor 12, 12–31a | Lc 1, 1–4; 4, 14–21**

**Edema liturgica dai 20.01. ai 27.01.2019**

<b>2019</b>	<b>Ora</b>	<b>Mëssa</b>
<b>2<sup>a</sup> DOMENIA 20.01</b> <i>Domenia dla Bibla</i> <i>oferta por la dlijia</i>	<b>9.30</b> <b>10.00</b>	<i>Corona por la + Loise Castlunger</i> <b>Gran Messa por la comunité</b> <b>2<sup>a</sup> de sopoltöra + Loise Castlunger</b> families Vijo Agreiter
<b>LÖNESC 21.12</b> <i>s. Agnese</i>	<b>7.25</b>	<b>s. Messa</b> ++ Heinrich y Maria Irsara
<b>MERTESC 22.01</b> <i>s. Vinzenz</i>		
<b>MERCUI 23.01</b>	<b>7.25</b>	<b>s. Messa di scolari</b> + Emma Pezzei
<b>JÖBIA 24.01</b> <i>s. Francesch da Sales</i>	<b>15.00</b>	<i>Ora d'adoraziun</i>
<b>VENDRES 25.01</b> <i>Converjiun de s. Paul</i>	<b>7.25</b>	<b>s. Messa</b> ++ Heinrich y Carlo Rubatscher
<b>SABEDA 26.01</b> <i>ss. Timoteo y Tito</i>	<b>18.00</b>	<b>s. Messa prefestia</b> + Rudi Kircher ++ Giovanni y Angelica Declara
<b>3<sup>a</sup> DOMENIA 27.01</b> <i>oferta por la dlijia</i>	<b>9.30</b> <b>10.00</b>	<i>Corona</i> <b>Gran Messa por la comunité</b> <b>3<sup>a</sup> de sopolt.</b> + Loise Castlunger + Heinrich Rubatscher (Uniun) aniversar + Iarone Agreiter

# Informaziuns y terminns

**Sëra cui geniturs di confermanc:** mercui ai **23.01.** dales 20.00 te calonia.

**N bel dilan dles ofertes** por la dlijia in ocasiun dla sopoltöra dla + **Loise Castlunger:** families Unterweger Paul; fam. Pepi Schanung; fam. Albert Moling, Skiarea Miara Al Plan

**Dis dla “porta daverta” tal Vinzentinum** - le gymnasium da Porsenú rich de tradiziun se prejentëia: en vëndres, ai 15 de forá dales 8:30 ales 12:30 y dales 14:00 ales 17:00 y en sabeda, ai 16 de forá dales 8:30 ales 12:30 vëgnel metü da jí tal Vinzentinum a Porsenú dis dla porta daverta. Scolares y scolari cun sü geniturs pó vijité, sënza s’anunzié danfora, le gymnasium y l’internat y se informé sön les ofertes dal Istitut. Dal altonn 2013 incá vëgnel tut sö tal internat ince mitans. Informaziuns por ladin sura la ciasa: [www.vinzentinum.it/lad](http://www.vinzentinum.it/lad)


La doturia Grete Mahlknecht é demez ai 22 y 23 de jená (dedolönesc y dedemesaledema) y vëgn sostituida dal dotur Taormina 340 32 28 655.

Por les sajuns da d’invern cina ai 31 de merz y da isté dal 01 de messé cina ai 15 de setëmber 2019 él le mede dott. Marco Vignini che fej sorvisc por i turisc y che é da ciafé por telefon 393 21 72 017 o ince tl ambulatorio infermieristich d’Al Plan tl orar publiché sön la plata internet dl comun.

*Die Bibel ist uns  
Lebensmittel(l).*

I salms descrí la porsona sciöche pert dla creaziun, che vir dala forza de Di. Cun les parores di salms lalda la porsona Di por süa bunté y amur y präia tl medemo tëmپ do aiüt tla meseria y poerté (salm 13, 27, 42, 71, 118, 127 y 145)





Sc'i damani i mituns che vá ala confermaziun, cal che é sté le pröm miraco che Gejú á fat, nen cunti sò n valgügn, mo le miraco da Cana é dainré lapró. Y sc'i ti diji, che Gejú s'â lascé invié da trasformé ega te vin deach'al é na noza, olach'an se devertí y sboaciâ bindebó, por che la festa ne se rovass nia te n iade, chësc ne n'ói pa nia dër crëie.

Forsc n'orò pa gnanca Gejú ma insciö bel atira se moscedé ite; y ince a Maria ne n'ó Gejú daimpröma nia ti olghé. Ciodí müdel pa spo te n iade idea?

Chiló pón ma spicolé: Magari èl sté la gran crëta de süa uma che l'â sburlé: "Ói che èl ves dij, chël fajede!", l'abondanza dla fede.

Y chësc ti diji iö ince ai mituns che vá ala confermaziun:

Fede é abondanza, che ne conësc degöna mosöra, abondanza de fidënza , abondanza de amur y de ligrëza. Fede é na festa che ne se röia nia.

Y porchël é le miraco dl vin a Cana, do mia minunga, n miraco che passenëia dër por le scomenciamënt dl operé de Gejú. (M.T. Image)

<b>Mësses a Rina:</b>	Dom 8.30 Dedol 19.30 Jöb 7.25 Sab 19.15 Dom 8.30
<b>Mësses a San Martin:</b>	Dom 9.30 Dedol 19.30 Jöb 7.30 Sab 18.30 Dom 9.30

	21.01 - 26.01.2019	Denise - Hanna
	27.01.2019	Nadine - Lisa - Stefan - Dominik
	26.01.2019	Annamaria Kircher
	27.01.2019	Patrizia Winkler